

TURISM

Confermes te l'Apt, gaissa per jir inant coi projec

A la radunanza di sozi l'è stat aproà l bilanz del 2018. Cruzies per i troes amò seré e besegn de na mior comunicazion coi ghesé

I sozi de l'Apt, chiamé ite a radunanza en vender ai 24 de mè te Oratorie de Poza, à responet con chiearez a l'envit uzà fora dal president Fausto Lorenz. "Tre egn de mandat l'è n trat de temp massa curt se se vel tacar ite e portar inant n percors – l'è dit Lorenz – l met de poder aer le valive persone te Consei dajessa gaissa per arjonjer i resultat che se aon metù dant." E cuscita l'è stat ajache i sozi (222 prejenc con 93 deleghes) ge à confermà sia stima a la maor part di conseieres rué a la fin de sie mandat de tre egn, segn de l'aprijiamet del lurier che l'è stat fat. Endèna en jebia ai 30 de mè (canche nosc sfoi era jà en stampa, ndr) l Consei à lità ence l president,

l vize president e l Comitad esecutif. La litazion di componenc del Consei de Amministrazion e del Consei Sindacal l'è stat l moment de maor emportanza de la radunanza di sozi. Chest'outa su la zedole de litazioni l Consei de Amministrazion no aea dat nesciuna indicazion de stima proprio percheche la scelta posse esser più democratica possibola.

Apede ai inomes jà proponenc dantfora se à amò metù a la leta Andrea Donei su indicazion di sozi Apt de la categoria di artejegn e Livio Iori che se à candidà per la categoria di fitacartieres, enceben che Edoardo Rizzi, vize president de la Sociazion Fitacartieres de Fascia, aesse rebadi che la sociazion aea jà lità sia doi raprejentantes.

Suzzess e aprijiamet per i gregn evenc: ai 29 de jugn a Cianacei rua la tapa de EWS

Dant del moment de la litazioni l president Fausto Lorenz à portà dant l bilanz del 2018 che se sera sù con n arvanz de amministrazion de 85.160 euro. N bilanz de passa 5 milions e 500 mile euro che à permetù de portèr inant, endrezèr e sostegnir n grum de ativitèdes, de investìr te projec per l davegnir e miorèr la calità de l'oferta turistica. Te sia relazion l president Lorenz à uzà fora e reingrazià Davide Moser e duc i volonter per l bon ejit di Mondiei Junior de schi, n event che à abù n gran suzzess, recognosciù daperdud, che à didà a valorisèr l

I CANDIDAC LITÈ

L Consei de l'Apt de Fascia

I sozi de l'Azienda per l Turism à lità si raprejentanc

I 27 componenc del nef Consei restarà en cèria fin al 2022. Chisc i inomes di litè: Fausto Lorenz, Davide Moser, Walter Nicolodi e Osvaldo Debertol per i alberghes; Ezio Croce per refuges e camping; Iris Brunel e Loredana Chiochetti per i cartieres; Filippo Debertol, Patrizio Prandi, Paolo Peiretti e Rosa Carpano per la sociazions de categoria; Mauro Vendruscolo, Tullio Pitscheider e Elisa Maccagni per i impianc portamont; Fulvio Pitscheider (Cianacei), Ivo Bernard (Ciampedel), Daniela Detomas (Mazin), Germano Pedrotti (Sèn Jan), Noemi Fontana (Soraga),

Marco Zanon (Moena) e Matteo Iori (Comun general de Fascia) per l'amministrazions; Fabrizio Deville per l comerz; Gabriella Soraruf per l'agenzies de viac; Emilio Scanagatta e William Basilico per i maestres de schi, menacrepes e compagnadores; Cornelio Lazzar per i artejegn; Roberto Ongari per la sociazions. Per l Colege sindacal l'è stat lità president Mario De Zordo, efetives Nicola Zanon e Luca Micheluzzi e suplenc Nazario Micheluzzi e Quirino Zulian.

En jebia ai 30 de mè l'è stat lità l nef Comitad esecutif. MC

marchie de Fascia dutintorn, descheche l'era stat ence per l'endrez de la tapes del Giro d'Italia. "L recognosciment – à dit Lorenz – ne permet de se tor dant l'endrez de ogni sort de evenc de aut livel. Un de chisc sarà ence i EWS (Enduro World Series), con una tapa a Cianacei ai 29 de jugn, soula tapa talièna de la sajón 2019 de la disciplina enduro de la roda da mont." Dapò col finanziament de Trentino Marketing l'è stat l met ence de endrezèr l ritiro de la Fiorentina a Moena, l projet "Piste Azzurre" e i apuntamenc de "I Suoni delle Dolomiti" (chel sun Vael con la partezipazion de Paolo Fresu e la Musega de Poza à abù dassen n gran suzzess) per n cost de 430 mile euro.

La comunicazion web garata

Per chel che vèrda tel detai i cosé l'è jìt fora 317 mile euro per l'ativitèdes de animazion turistica, 253 mile euro per Val de Fascia Card e Panorama Pass, 249 mile euro per la valorisazion di club de prodot e 315 mile euro per l servije de mobilità. L president Lorenz à uzà fora che l'è stat n picol smendramet del 2% sul vadagn da la vendita di bilic per l skibus e che sun chesi i operadores turistics cognessa amò spenjer. Amò l'è jìt fora 418 mile euro per scomenzadives de marketing, 383 mile euro per la promozion sui marcé foresé e taliegn e 99 mile euro per la comunicazion web e chiò l'è stat metù al luster la gran prejenza sui social.

Con Tsm na reflescion su la strategies del davegnir

Per chel che vèrda l'andament de la sajón da d'invern i dac statistics moscia n total de passa 2 milions e 200 mile prejenzes. Chest an l'è

stat purampò presciapèch -20.000 jent ruèda e -76.000 prejenzes, ma la sajón del 2018 è stata da record. La setemèna con maor jent te val l'è stat cheles da la metà de firé a la metà de mèrz, se cogn amò lurèr sui fins de setemèna e sul fin de sajón. "L'empegn de l'Apt – à dit Lorenz – sarà chel de far più promozion de la mont desleada da le condition del meteo."

Na analisa fona del nef ruol e de la strategies che cogn tor sù l'Apt è stata portèda dant da Paolo Grigolli de Tsm (Trentino School of Management) che à spiegà che l'è stat envia via desé de lurier per lurèr sui projec de sistem e sui projec de prodot. "Na proponeta la è de valuta canche la sia responder ai besegnes di ghesé più che a sia domanes" à dit Grigolli.

Dai intervenc del publich l'è vegnù l cruzie per la situazion di troes che coi èlbres crodè e per la maor pèrt amò seré, la nezesità de fèr na drete comunicazion ai ghesé su la neva mobilità del Comun de Sèn Jan e l besegn de investìr de più sul fin de sajón ajache i foresé peissa che dò la metà de mèrz no se posse più jir coi schi.

Chest apel è stat uzà fora da Daniele Dezulian, president del Consorzie di impianc portamont Val de Fascia-Ciareja, che à ence metù en consaputa che l'an che vegn i impianc serarà adertura ai 14 de oril e donca se cognarà lurèr percheche la sajón se slonge e porte si fruc fin dinultima. Dezulian l'à palesà aprijiamet per la dezijion del Comun de Sèn Jan de mudèr la mobilità e l'è fat a saer che chest istà l Consorzie tegnàrà averc cater impianc per ge jir encontra a chest mudament: la sentadò de Pra Martin, cheles sun Pian de Frataces e la Des Alpes sun Rodela.

Monica Cigolla



L Consei de Amministrazion de l'Apt de Fascia te sia radunanza te sala de l'Oratorie de Poza.